



Selasa, 2 Februari 2021

Ogen: Kejadin 29:5-6



PENTINGNA KESEHATEN



Keleng ate Tuhan megati teridah arah hal-hal sibiasa bas geluhta. Tapi bas e me maka pasu-pasuNa teridah mehuli. Sada paksa bas ingan mere minem asuh-asuhen, Jakup jumpa ras piga-piga kalak sitading i kuta mamana Laban. Jenari isungkuni Jakup kerna kecibal mamana ndai "me sehatnge ia". Emaka nina kalak ndai sehat. Kata "sehat" ibas cakap Jahudi siipake bas teks enda eme "shalom", ertina la ndauhsa ras kata mejuah-juah ibas kita kalak Karo. Pengertin kata shalom e luas menyangkut kudas kesehatan kula, geluh si simpar keriahen, ketenengen rikut ras dame. Puncak kedamen bas diri manusia eme persadanna ras Dibata, janah persadan manusia ras Dibata ndai berdampak kudas kesehatan kula ukur ras tendina. Emaka Shalom enda labo banci sidat adi ndauh kita ibas Dibata nari. Sebab kesehatan, kemakmuren, ketenengen geluh enda rehna ibas Dibata nari nge. Ibereken Dibata enda banta sebab etehNa adi la lit e bas kita labo kita ngasup ndalani wari-wari enda. Kesehatan pe pemere Dibata, sebab alu sehat kita maka banci kita ndahiken singena ateNa. Itengah-tengah situasi covid-19 bas tahun 2021 enda pe tetap isingetken man banta maka penting kel sijaga kesehatan e. Penerapan 6M, membatasi mobilitas, menjauhi kerumunan/keramaian, mencuci tangan, memakai masker, menjaga jarak, ras sipentingna eme menjaga Iman untuk meningkatkan imun. Enda me kerina sijadi dalan-dalanta njagai kesehatenta arah virus corona. Kesehatenta jadi bukti kiniteken ras palas kekelengenta man kalak sideban man dirinta jine bagepe bukti kiniteken ras kekelengenta man Tuhan simereken kesehatan ras geluh e man banta. Ola kisas njagai kesehatan gelah terdahi kita denga perpulungen ras kade-kadenta. Tuhan simasu-masu.